



**МОНГОЛЫН  
ХӨРӨНГИЙН  
БИРЖ**



**2017  
ЖИЛИЙН  
ТАЙЛАН**



## ГАРЧИГ

Гүйцэтгэх захирлын мэндчилгээ	4
Хөрөнгийн зах зээл 2017 онд	5
Төлөөлөн удирдах зөвлөл	6
Байгууллагын бүтэц, зохион байгуулалт	7
Оны онцлох үйл явдлууд	8
Үнэт цаасны арилжааны тайлан	10
Үнэт цаасны бүртгэлд орсон өөрчлөлтүүд	14
Хараат бус аудиторын тайлан	16
Санхүүгийн тайлан	19





## ГҮЙЦЭТГЭХ ЗАХИРЛЫН МЭНДЧИЛГЭЭ

“Монголын хөрөнгийн бирж” ТӨХК болон Монголын хөрөнгийн зах зээлийн хувьд улирч буй 2017 он амжилт бүтээлээр дүүрэн жил байлаа. “Монголын хөрөнгийн бирж” ТӨХК нь үүсгэн байгуулагдсанаас хойш 26-н жилийн түүхэндээ анх удаа 859.2 тэрбум төгрөгийн арилжаа хийсэн нь өмнөх 2015 оны дээд үзүүлэлтээс 57.2 хувиар өссөн үзүүлэлт боллоо. Мөн ТОП 20 индекс 68.9 хувиар өссөн бол зах зээлийн үнэлгээ он гарснаас хойш 67.4 хувь өсч 2.4 их наяд төгрөгт хүрсэн нь сүүлийн 5-н жилийн хамгийн дээд үзүүлэлт болсон байна.

Хөрөнгийн зах зээлийн үндсэн бүтээгдэхүүнүүд болох хувьцаа бондын арилжаа идэвхжиж, шинээр болон нэмж үнэт цаас гаргах зэрэг олон үйл ажиллагаа амжилттай явагдсанаас “Сүү” ХК-ийн гаргасан “Сүү бонд” 6.0 тэрбум төгрөгийг амжилттай босгож хамгийн өндөр үнийн дүнтэй компанийн өрийн хэрэгсэл болсон бол “Монголын хөрөнгийн бирж” ТӨХК-д бүртгэгдсэн хамгийн анхны мэдээллийн технологийн компани болох “Айтүүлс” ХК-ийн үнэт цаасыг худалдан авах захиалга нь нийлүүлэлтээсээ 3 дахин их буюу нийт 3.9 тэрбум төгрөгт хүрснээр, Монголын хөрөнгийн зах зээлд үнэт цаас гаргасан компаниуд дунд хамгийн их захиалга авсан компани боллоо.



Мөн Санхүүгийн зохицуулах хороотой хамтарсан ажлын хэсэг байгуулан ажиллаж, үнэт цаасны давхар бүртгэлийг зохицуулах “Гадаад улсын арилжаа эрхлэх байгууллагад бүртгэлтэй хуулийн этгээд Монгол улсад үнэт цаас гаргах, Монгол Улсын арилжаа эрхлэх байгууллагад бүртгэлтэй хуулийн этгээд гадаад улсад гаргах үнэт цаасыг бүртгэх журам”-ыг батлуулснаар ирэх онд Монголын хөрөнгийн зах зээлд хамгийн анхны давхар бүртгэгдсэн компанийн үнэт цаасыг арилжих нөхцөл амжилттай бүрдээд байна. Хөрөнгийн зах зээлийн талаарх иргэд олон нийтийн мэдлэг мэдээллийг нэмэгдүүлэх зорилгоор “Ногоон сум” реалити шоу нэвтрүүлгийг санаачлан, МҮОНРТ-тэй хамтран зохион байгуулж эхний дугааруудыг орон даяар нэвтрүүлсэн нь ард иргэдийн хөрөнгийн зах зээлийг сонирхох сонирхлыг ихээхэн нэмэгдүүлсэн билээ.

Ирж буй 2018 ондоо энэ оны амжилтаа ахиулан, гадаад улсын биржид бүртгэлтэй компанийн үнэт цаасыг анх удаа дотоодод бүртгэж арилжих, хөрөнгийн зах зээлийн дэд бүтцийн шинэчлэлийн ажлыг үргэлжлүүлэн хэрэгжүүлж, олон улсын жишигт нийцсэн төлбөр тооцооны T+2 горимыг эргэн нэвтрүүлэх чиглэлээр холбогдох мэргэжлийн байгууллагуудтай хамтран ажиллаж, хөрөнгө оруулагч болон үнэт цаас гаргагчид таатай хөрөнгө оруулалтын дэд бүтэц, орчин, ил тод нээлттэй зах зээлийг бий болгохоор Монголын хөрөнгийн биржийн хамт олон бид хичээн ажиллах болно.

Х.АЛТАЙ


ГҮЙЦЭТГЭХ ЗАХИРАЛ

МХБ-ийн зах зээлийн үнэлгээ 2017 онд 67,4 хувиар өсөв




ТОП-20 Индекс мөн хугацаанд 68.9 хувийн өсөлттэй байна


Хувьцаат компанийн IPO&SPO:



2014-2017 онуудад гарч байсан ЗГ-ын бондын хүүгийн тархалт, хугацаагаар



Сүүлийн жилүүдэд МХБ дээр амжилттай гаргасан ЗГ-ын бондын хэмжээ, тэрбум төгрөгөөр



## ТӨЛӨӨЛӨН УДИРДАХ ЗӨВЛӨЛ

Компанийн тухай хуулийн 75 дугаар зүйлийн 75.2-ийн дагуу “Монголын хөрөнгийн бирж” ТӨХК-ийн дүрэмд Төлөөлөн удирдах зөвлөл нь 6 хараат, 3 хараат бус нийт 9 гишүүний бүрэлдэхүүнтэй байхаар тусгасан байдаг.

### ТУЗ-ийн дарга

1	Н.Мандуул	Сангийн Яамны Санхүүгийн бодлогын газрын Санхүүгийн зах зээл, даатгалын хэлтсийн дарга
---	-----------	--

### Гишүүд

2	Б.Даажамба	Засгийн Газрын Хэрэг эрхлэх газрын дэд дарга
3	Б.Сүх-Очир	Сангийн Яамны Санхүүгийн бодлогын газрын Өрийн удирдлагын хэлтсийн дарга
4	Б.Батдаваа	Монголбанкны Зах зээлийн газрын захирал
5	Д.Ганцэцэг	Төрийн өмчийн бодлого зохицуулалтын газрын Захиргаа, хууль зүйн хэлтсийн ахлах мэргэжилтэн
6	Б.Уужим-Ухаан	Уул уурхай, хүнд үйлдвэрийн яамны Төрийн захиргааны удирдлагын газрын Санхүүгийн хэлтсийн дарга

### Хараат бус гишүүд

7	П.Баянсан	МУИС-ийн Бизнесийн сургуулийн ахлах багш
8	Д.Сарангуа	“Эрдэнэс Монгол” ХХК-ийн зөвлөх
9	Д.Бэхбат	Эдийн засагч

### Аудитын хороо

№	Нэр	Үүрэг
1	П.Баянсан	Дарга
2	Д.Бэхбат	Гишүүн
3	Д.Ганцэцэг	Гишүүн


### Цалин, урамшууллын хороо

№	Нэр	Үүрэг
1	Б.Сүх-Очир	Дарга
2	Д.Бэхбат	Гишүүн
3	Д.Сарангуа	Гишүүн

### Нэр дэвшүүлэх хороо

№	Нэр	Үүрэг
1	Б.Уужим-Ухаан	Дарга
2	Д.Бэхбат	Гишүүн
3	Д.Сарангуа	Гишүүн

# БАЙГУУЛЛАГЫН БҮТЭЦ, ЗОХИОН БАЙГУУЛАЛТ



### ХӨРӨНГИЙН ЗАХ ЗЭЭЛИЙН ТУХАЙ “НОГООН СУМ” РЕАЛИТИ ШОУ НЭВТРҮҮЛГИЙГ САНААЧЛАН, ЗОХИОН БАЙГУУЛАВ



Иргэд, олон нийтийн хөрөнгийн зах зээлийн мэдлэгийг нэмэгдүүлэх болон хувьцаа, бондын арилжаанд хэрхэн оролцох тухай мэдээллийг олон нийтэд богино хугацаанд сонирхолтой, үр дүнтэйгээр хүргэх үүднээс “Монголын хөрөнгийн бирж” ТӨХК нь “Монголын үндэсний олон нийтийн радио телевиз”-тэй хамтран “Ногоон сум” реалити шоу-гоо зохион байгуулж, 2017 оны 12 дугаар сарын 11-ний өдрөөс эхлэн орон даяар нэвтрүүлж эхэлсэн билээ.

Уг реалити шоу нэвтрүүлэгт хөрөнгийн зах зээлийн арилжаанд оролцож байгаагүй олон нийтийн төлөөлөл болох 5 оролцогч оролцсон бөгөөд мэргэжлийн зөвлөх байгууллагуудаас зөвлөгөө авсны үндсэн дээр “Монголын хөрөнгийн бирж” дээрээс үнэт цаас худалдан авч оролцсон юм. Нэвтрүүлэг нь тус бүр 40 минут үргэлжлэх 7 удаагийн дугаараас бүрдсэн бөгөөд нэвтрүүлгийн эцэст хөрөнгө оруулалтын багцаа хоёр сар гаруйн хугацаанд 64,4 хувиар өсгөсөн оролцогч ялагчаар тодорлоо.

Нэвтрүүлэг нь зах зээлийн ач холбогдол, хөрөнгөө өсгөх боломжийг төдийгүй мөн эрсдэлийг нь ч үнэн бодитоор үзэгчдэд хүргэн таниулах ач холбогдолтой боллоо.

### “СҮҮ БОНД” МОНГОЛЫН ХӨРӨНГИЙН БИРЖЭЭР АМЖИЛТАЙ АРИЛЖИГДЛАА

“Монголын хөрөнгийн бирж” ТӨХК-ийн 1-р ангилалд бүртгэлтэй, Монгол Улсын хүнсний ууган үйлдвэр “Сүү” ХК-ийн хувьцаагаар баталгаажсан 100,000 төгрөгийн нэрлэсэн үнэтэй, нэг жилийн хугацаатай, жилийн 17.5 хувийн хүүтэй өрийн хэрэгсэл “Сүү Бонд” нь 2017 оны 6 дугаар сарын 29-ний өдөр Монголын хөрөнгийн биржээр олон нийтэд нээлттэйгээр арилжаалагдаж, нийт 6 тэрбум төгрөгийн санхүүжилтийг амжилттай татан төвлөрүүллээ.

Өрийн хэрэгслийг олон нийтэд санал болгон амжилттай арилжаалахад Монголын хөрөнгийн биржийн гишүүн болох “Голомт капитал ҮЦК” ХХК нь үндсэн андеррайтераар, “Ард капитал групп ҮЦК” ХХК, “Тэнгэр капитал ҮЦК” ХХК-иуд туслах андеррайтераар тус тус ажилласан бөгөөд 2017 оны 6 дугаар сарын 29-ний өдөр анхдагч зах зээлийн арилжааг эхлүүлсэн билээ.

Монголын хөрөнгийн биржийн анхдагч зах зээлийн арилжаанд “Сүү Бонд”-ын нийт 67,547 ширхэг буюу 6,754,700,000 төгрөгийн үнийн дүн бүхий худалдан авах захиалга бүртгэгдсэн нь үнэт цаас гаргагчийн санал болгосон хэмжээнээс 13%-аар давж, анхдагч зах зээлийн арилжааны нийлүүлэлт эхний өдөртөө дууслаа.

“Сүү Бонд”-ын хоёрдогч зах зээлийн арилжаа идэвхитэй явагдаж байгаа бөгөөд 2017 онд нийт 42 удаагийн арилжаагаар 41,6 мянган ширхэг бонд арилжигджээ.





## МОНГОЛЫН ХӨРӨНГИЙН БИРЖ НЬ НҮБ-ЫН ТОГТВОРТОЙ САНХҮҮЖИЛТЫН САНААЧЛАГЫГ ДЭМЖИН АЖИЛЛАНА

“Монголын хөрөнгийн бирж” ТӨХК нь 2017 оны 9 дүгээр сарын 21-ний өдөр НҮБ-ын дэргэдэх Тогтвортой Хөгжилд Чиглэсэн Хөрөнгийн Биржүүдийн Холбоо (ТХХБХ)-ны гишүүнээр элсэж, хариуцлагатай хөрөнгө оруулалт, тогтвортой бизнесийн ажиллагааг дэмжин хамтран ажиллахаар боллоо. Тухайлбал, МХБ нь шинэчлэн найруулсан “Бүртгэлийн журам”-даа НҮБ-аас тодорхойлсон Тогтвортой хөгжлийн зорилтуудыг хэрэгжүүлэхэд чиглэсэн үйл ажиллагаатай компанид Биржийн I, II ангиллын шалгууруудаас чөлөөлөх, үнэт цаасны бүртгэлийн үйлчилгээний хөлсийг 20 хүртэл хувиар хөнгөлөх зэрэг давуу талуудыг тусгасан билээ.



Энэхүү холбоонд олон улсын 66 хөрөнгийн бирж гишүүнээр элссэн бөгөөд НҮБ-ийн тогтвортой хөгжлийн зорилтуудыг амжилттай хэрэгжүүлэх, тогтвортой ирээдүйг бий болгоход хөрөнгийн биржүүдийн үүрэг оролцоог нэмэгдүүлэх чиглэлээр дэлхийн бусад хөрөнгийн биржүүдтэй санал солилцон хамтран ажиллах ач холбогдолтой юм.

### "АЙ ТҮҮЛС" ХК-ИЙН IPO АМЖИЛТАЙ БОЛЖ НЭЭЛТЭЙ ХУВЬЦААТ КОМПАНИ БОЛЛОО

Монголын хөрөнгийн биржид бүртгэгдсэн отгон компани болох “Айтүүлс” ХК 2017 оны 11 дүгээр сард үнэт цаасны анхдагч зах зээл дээрээс 1,3 тэрбум төгрөгийг татан төвлөрүүллээ.



“Айтүүлс” ХК нь 2011 онд үүсгэн байгуулагдсан бөгөөд интернетийн технологид суурилсан дата төвийн үйлчилгээ болон түүний дагалдах үйлчилгээ болох домэйн нэрийн бүртгэл, сервер байршуулах үйлчилгээ зэрэг 30 гаруй төрлийн бүтээгдэхүүн, үйлчилгээг цогцоор нь үзүүлдэг. Тус компани нь Дархан хотод олон улсын TIER III стандартын шаардлагыг хангасан Модуляр дата төвийн паркийг байгуулах зорилгоор нийт хувьцааны 38.86% буюу 1.3 тэрбум төгрөгийн хувьцааг олон нийтэд нээлттэй санал болгож, 2017 оны 11 дүгээр сарын 01-ний өдрөөс 11 дүгээр сарын 10-ны өдрийг хүртэл анхдагч зах зээлийн арилжааны захиалга авсан билээ. Тус компанийн үнэт цаасыг худалдан авах захиалга нь нийлүүлэлтээсээ 3 дахин их буюу нийт 3.9 тэрбум төгрөгт хүрснээр, Монголын хөрөнгийн зах зээлд үнэт цаас гаргасан компаниуд дунд хамгийн их захиалга авсан дээд амжилтыг тогтоолоо.

### "ХӨРӨНГӨ ОРУУЛАГЧ ҮНДЭСТЭН" ХХК "ЖИНСТ УВС" ХК-ТАЙ НЭГДЭЖ НЭЭЛТЭЙ ХУВЬЦААТ КОМПАНИ БОЛЛОО

Санхүүгийн Зохицуулах Хорооны 2017 оны 11 сарын 24-ний өдрийн 225 тоот тогтоолоор “Хөрөнгө Оруулагч Үндэстэн” хаалттай хувьцаат компани нь Монголын Хөрөнгийн Биржид бүртгэлтэй “Жинст Увс” ХК-тай нэгдэж нээлттэй хувьцаат компани боллоо.

“Хөрөнгө Оруулагч Үндэстэн” ХК нь 2016 оны 1 дүгээр сард 560 хүний санаачлагаар Монголд анх удаа “crowdfunding” /олон нийтээс хөрөнгө татан төвлөрүүлэх/ аргыг ашиглан олон нийтийн оролцоотой арилжааны банк байгуулахаар үүсгэн байгуулагдсан мэргэжлийн санхүү, хөрөнгө оруулалтын компани юм.



## ҮНЭТ ЦААСНЫ АРИЛЖААНЫ ТАЙЛАН

### Үнэт цаасны арилжаа

2017 оны 12 дугаар сарын 31-ний өдрийн байдлаар нийт 249 удаагийн арилжаагаар 134 компанийн 106.1 сая ширхэг хувьцааг 76.4 тэрбум төгрөгөөр, ЗГҮЦ-ны анхдагч зах зээлийн арилжаагаар 6.7 сая ширхэг үнэт цаасыг 630.2 тэрбум төгрөгөөр, хоёрдогч зах зээлийн арилжаагаар 1.4 сая ширхэг үнэт цаасыг 142.3 тэрбум төгрөгөөр, компанийн бондын анхдагч зах зээлийн арилжаагаар 60.0 мянган ширхэг бондыг 6.0 тэрбум төгрөгөөр, хоёрдогч зах зээлийн арилжаагаар 41.6 мянган ширхэг бондыг 4.2 тэрбум төгрөгөөр тус тус арилжиж, нийт 859.2 тэрбум төгрөгийн гүйлгээ хийсэн байна.

Нийт гүйлгээний үнийн дүнгийн 8.9%-ийг хувьцааны арилжааны гүйлгээний дүн, 89.9%-ийг ЗГҮЦ-ны арилжааны гүйлгээний дүн, 1.2%-ийг компанийн бондын арилжааны гүйлгээний дүн тус тус эзэлж байна.

#### Үнэт цаасны арилжаа /2017.12.31-ний байдлаар/

Үнэт цаасны төрөл		Арилжигдсан тоо хэмжээ /сая ширхэг/	Арилжааны үнийн дүн /тэрбум төгрөг/
Хувьцаа	Анхдагч зах зээл	13.4	1.3
	Хоёрдогч зах зээл	92.7	75.1
Засгийн газрын үнэт цаас	Анхдагч зах зээл	6.7	630.2
	Хоёрдогч зах зээл	1.4	142.3
Компанийн бонд	Анхдагч зах зээл	0.06	6.0
	Хоёрдогч зах зээл	0.04	4.2
НИЙТ			859.2

Тайлант хугацаанд өдөрт дунджаар 3.4 тэрбум төгрөгийн гүйлгээ хийгдэж, 459.5 мянган ширхэг үнэт цаас арилжигдсан байна.

#### Арилжаалагдсан үнэт цаасны үнийн дүн сүүлийн 3 жилд

Үнэт цаасны нэр	2015 он	2016 он	2017 он
Хувьцаа /тэрбум төг/	30.5	49.0	76.4
ЗГҮЦ /тэрбум төг/	515.5	299.6	772.5
Компанийн бонд /тэрбум төг/	0.5	-	10.2

### Хувьцааны арилжаа

Тайлант хугацаанд нийт 249 удаагийн арилжаагаар 134 компанийн 106.1 сая ширхэг хувьцааг 76.4 тэрбум төгрөгөөр арилжаалсан. Хувьцааны арилжааны 58.3% буюу 44.6 тэрбум төгрөгийн гүйлгээг багцын арилжаа, үлдэх 41.7% буюу 31.8 тэрбум төгрөгийн гүйлгээг энгийн арилжаа тус тус бүрдүүлж байна.

Үнэт цаасны нэр	Арилжааны үнийн дүн /тэрбум төгрөг/					
	2015 он		2016 он		2017 он	
	энгийн	багцын	энгийн	багцын	энгийн	багцын
Хувьцаа	27.3	3.1	14.9	34.1	31.8	44.6

### Анхдагч зах зээлийн арилжаа

2017 оны 11 дүгээр сард “Ай түүлс” ХК-ийн нийтэд санал болгон гаргасан 13.4 сая ширхэг хувьцааг 1.3 тэрбум төгрөгөөр анхдагч зах зээлд амжилттай арилжсан байна.

## ТОП-20 индекс

2017 онд ТОП-20 индексийн дээд үзүүлэлт 24520.35 нэгж, доод үзүүлэлт 11972.11 нэгж, дундаж үзүүлэлт 15511.89 нэгж байна. ТОП-20 индекс нь 2017 онд 68.9 хувийн өсөлттэй байлаа.

68.9% 




ХӨРӨНГИЙН БИРЖ  
STOCK EXCHANGE





### Хувьцааны арилжаа /үнийн дүнгээр/



#### Багцын арилжаа

Тайлант хугацаанд багцын арилжаагаар Таван толгой, Дархан сэлэнгийн ДЦС, Мах импекс, БиДиСек, Дархан ЗБ, Монгол савхи, АПУ, Мик холдинг, Шарын гол зэрэг нийт 9 компанийн 14.3 сая ширхэг хувьцааг 44.6 тэрбум төгрөгөөр арилжсан нь нийт хувьцааны арилжааны үнийн дүнгийн 58.3%-ийг эзэлж байна.

#### Тендер санал

Тайлант хугацаанд Монгол даатгал ХХК нь Монгол улсын компанийн тухай хуулийн 57.1, Үнэт цаасны зах зээлийн тухай хуулийн 22.1.1 болон Санхүүгийн зохицуулах хорооны “Хувьцаат компанийн хувьцааг худалдан авах санал гаргах, хувьцааг худалдан авах ажиллагааны тухай журам”-ыг үндэслэн сайн дурын үндсэн дээр “Хорго хайрхан” ХК-ийн хувьцааны хяналтын багц болон түүнээс дээш хувийг худалдан авахаар санал гаргасан бөгөөд тус саналын арилжаагаар тус компанийн 109.9 мянган ширхэг хувьцааг 30.0 сая төгрөгөөр арилжсан байна.

#### ЗГҮЦ-ны арилжаа

2014 оны 11 дүгээр сараас МХБ-ээр Засгийн газрын жижиглэнгийн үнэт цаас арилжигдаж эхэлснээс хойш нийт 1.4 их наяд төгрөгийн үнийн дүн бүхий 15.6 сая ширхэг үнэт цаас анхдагч зах зээл дээр арилжигдсан байна.

#### Анхдагч зах зээлийн арилжаа

2017 онд нийт 44 удаагийн ЗГҮЦ-ны арилжаагаар 6.7 сая ширхэг үнэт цаасыг 630.2 тэрбум төгрөгөөр арилжсан байна. Тайлант хугацаанд анхдагч зах зээл дээр нийт 630.2 тэрбум төгрөгийн ЗГҮЦ арилжигдсанаас 12 долоо хоногтой үнэт цаас нийт арилжааны 25.0%-ийг, 28 долоо хоногтой үнэт цаас 20.2%, 39 долоо хоногтой үнэт цаас 24.6%, 52 долоо хоногтой үнэт цаас 15.3%-ийг, 2 болон 3 жилийн үрт хугацаатай үнэт цаас 14.9%-ийг тус тус эзэлж байна.

#### Хоёрдогч зах зээлийн арилжаа

ЗГҮЦ-ны хоёрдогч зах зээлийн арилжааг 2015 оны 01 дүгээр сарын 19-ний өдөр нээсэн бөгөөд 2017 онд Засгийн газрын үнэт цаасны хоёрдогч зах зээлийн арилжаа ихээхэн идэвхижиж 1.4 сая ширхэг үнэт цаасны 142.3 тэрбум төгрөгийн арилжаа явагджээ. ЗГҮЦ-ны хоёрдогч зах зээлийн арилжаанд “Новел инвестмент”, “Мирэ Эссет Секьюритис Монгол”, “Голомт капитал”, “БиДиСек ХК”, “Стандарт инвестмент”, “Ард капитал групп”, Гаули зэрэг ҮЦК-иуд идэвхитэй оролцсон байна.

## ҮНЭТ ЦААСНЫ БҮРТГЭЛД ОРСОН ӨӨРЧЛӨЛТҮҮД

### Хувьцааны бүртгэл

“Монголын хөрөнгийн бирж” ТӨХК-д 2017 оны 12 сарын 31-ний байдлаар 218 ХК бүртгэлтэй байгаагаас 8.7 % буюу 19 ХК нь 100 хувь төрийн өмчит, 5.5% буюу 12 ХК нь төрийн өмчийн оролцоотой, 85.7% буюу 187 ХК нь бүрэн хувьчлагдсан компани байна. Харин бүртгэлтэй үнэт цаасны хувьд нийт 11.2 тэрбум ширхэг хувьцаа бүртгэлтэй байгаагаас 35.3 % буюу 3.97 тэрбум ширхэг нь төрийн мэдлийн, 64.7 % буюу 7.25 тэрбум ширхэг нь хөрөнгө оруулагчдын эзэмшлийн хувьцаа байна.

### Шинээр бүртгэгдсэн компаниуд

Санхүүгийн зохицуулах хорооны 2017 оны 9 дүгээр сарын 27-ны өдрийн 173 дугаар тогтоол, Монголын хөрөнгийн биржийн “Үнэт цаасны бүртгэлийн журам”-ын дагуу “Ай түүлс” ХК-ийн нэг бүр нь 100 төгрөгийн нэрлэсэн үнэтэй 34,452,124 ширхэг хувьцааг МХБ-ийн үнэт цаасны бүртгэлийн II ангилалд бүртгэлээ . Мөн “Хөтөлийн цемент шохой” ХК нь МХБ дэх бүртгэлээ сэргээн нэг бүр нь 100 төгрөгийн нэрлэсэн үнэтэй 119,452,690 ширхэг хувьцаатай 100% хувийн өмчит компаниар бүртгүүлсэн болно.

### Нэмэлт хувьцаа гаргасан компаниуд

№	Компанийн нэр	Хувьцааны тоо ширхэг
1	“АПУ” ХК	321,304,553
2	“Жинст увс” ХК	1,612,715
3	“Хөтөлийн цемент шохой” ХК	2,751,388,203

### Бүртгэлээс хасагдсан компаниуд

№	Компанийн нэр	Хувьцааны тоо ширхэг
1	"Ундарга-Өмнөговь" ХК	94,775
2	"Баянтолгой" ХК	127,094
3	"Завхан тээвэр" ХК	135,870
4	"Завхан тээг" ХК	51,110
5	"Гантөмөрт" ХК	162,514
6	"Монгол эсгий, эсгий гутал" ХК	114,378
7	"Оргил Говь-Алтай" ХК	78,489
8	"Улиастай тэгш" ХК	1,323,486
9	"Зоос гоёл" ХК	13,038
10	"Буян" ХК	77,116
11	"Машин механизм" ХК	58,008

### Үнэт цаасны бүртгэлд өөрчлөлт орсон

№	Компанийн нэр	Бүртгэлийн өөрчлөлт
1	“Ногоон хөгжил үндэсний нэгдэл” ХК	Үнэт цаас хуваасан
2	“Сэлэнгэ дулаанхан” ХК	Оноосон нэрээ өөрчилж, “Эм Эн Ди” ХК болсон.
3	“Говьфайнэншл групп” ХК	Оноосон нэрээ өөрчилж, “Силк нэт” ХК болсон.

Бүртгэлтэй үнэт цаасны тоон үзүүлэлтийг өмнөх оны мөн үетэй харьцуулахад үнэт цаасны тоо ширхэг нь өмнөх оныхоос 3,231,127,951 ширхгээр буюу 40.3 хувиар өссөн нь 2017 онд 2 ХК шинээр бүртгэгдсэн, 3 ХК нэмэлт хувьцаа гаргасан, 1 ХК хувьцаагаа хуваасантай холбоотой юм.

#### Компанийн бондын бүртгэл

Тайлант хугацаанд “Монголын хөрөнгийн бирж” ТӨХК-д шинээр үнэт бүртгүүлэх хүсэлт гаргасан “Сүү” ХК-иас гаргасан СҮҮ БОНД-ыг Санхүүгийн зохицуулах хорооны 2017 оны 6 дугаар сарын 22-ны өдрийн 129 тоот тогтоол, “Монголын хөрөнгийн бирж” ТӨХК-ийн “Үнэт цаасны бүртгэлийн журам”-ын дагуу бүртгэж, 6 тэрбум төгрөгийн өрийн хэрэгслийн арилжааг амжилттай зохион байгуулсан.

#### Бүртгэлтэй үнэт цаасны тоон мэдээлэл

ҮЗҮҮЛЭЛТ	2016.12.31	2017.12.31	ӨӨРЧЛӨЛТ
Бүртгэлтэй компанийн тоо	227	218	-9
Үүнээс : Төрийн өмчит	34	31	-3
Хувийн өмчийн	193	187	-6
Бүртгэлтэй үнэт цаасны тоо /ширхэг/	8,001,043,400	11,232,171,351	3,231,127,951
Үүнээс : Төрийн өмчид /ширхэг/	3,975,554,635	3,975,394,457	(160,178.00)
Олон нийтэд /ширхэг/	4,025,488,765	7,256,776,894	3,231,288,129
Үнэт цаас шинээр бүртгүүлсэн ХК	1	2	1
Үүнээс: Төрийн өмчит ХК	-	-	-
Хувийн өмчийн	1	2	1
Шинээр бүртгүүлсэн үнэт цаасны тоо /ширхэг/	4,324,263	153,904,814	149,580,551
Нэмж үнэт цаас гаргасан ХК	2	3	1
Нэмж бүртгүүлсэн үнэт цаасны тоо /ширхэг/	15,387,765	3,074,305,471	3,058,917,706
Үнэт цаасны тоо ширхэгт өөрчлөлт орсон бусад ХК		1	
Хувьцаа хувааснаар нэмж бүртгэгдсэн үнэт цаасны тоо /ширхэг/		5,153,544	
Бүртгэлээс хасагдсан ХК	9	11	2
Хасагдсан үнэт цаасны тоо /ширхэг/	128,799,600	2,235,878	(126,563,722)



Кэй Пи Эм Жи Аудит ХХК  
Монгол улс, Улаанбаатар-14240,  
Сүхбаатар дүүрэг, 1-р хороо,  
Энхтайваны өргөн чөлөө 17  
Блю Скай Тауэр, 602 тоот

Утас : +976 7011 8101  
Факс: +976 7011 8102  
www.kpmg.com/mn

## Хараат Бус Аудиторын Тайлан

Монголын Хөрөнгийн Бирж ТӨХК-ийн хувьцаа эзэмшигчид:

### Дүгнэлт

Бид Монголын Хөрөнгийн Бирж ТӨХК (цаашид “Компани” гэх)-ийн 2017 оны 12 дугаар сарын 31-ний өдрөөрх санхүүгийн байдлын тайлан, тухайн өдрөөр дуусгавар болсон жилийн ашиг, алдагдал болон бусад дэлгэрэнгүй орлогын тайлан, өмчийн өөрчлөлтийн тайлан, мөнгөн гүйлгээний тайлан, мөн нягтлан бодох бүртгэлийн үндсэн бодлогуудын хураангуй болон тайлбар тодруулгуудаас бүрдсэн санхүүгийн тайланд аудит хийлээ.

Бидний дүгнэлтээр, компанийн санхүүгийн тайлан нь 2017 оны 12 дугаар сарын 31-ний өдрөөрх санхүүгийн байдал, тухайн өдрөөр дуусгавар болсон тайлант жилийн санхүүгийн гүйцэтгэл болон мөнгөн гүйлгээг Санхүүгийн Тайлагналын Олон Улсын Стандарт (“СТОУС”)-ын дагуу үнэн зөв, бодитой илэрхийлсэн байна.

### Дүгнэлтийн үндэслэл

Бид аудитаа Аудитын Олон Улсын Стандарт (“АОУС”)-ын дагуу гүйцэтгэсэн. Уг стандартын дагуу хүлээх үүрэг хариуцлагыг энэхүү тайлангийн Санхүүгийн Тайлангийн Аудитад Аудиторын Хүлээх Үүрэг Хариуцлага хэсэгт харуулсан. Бид Нягтлан Бодогчдын Ёс Зүйн Олон Улсын Стандартын Зөвлөл (“НБЁЗОУСЗ”)-ийн Мэргэжлийн Нягтлан Бодогчдын Ёс Зүйн Дүрэм болон санхүүгийн тайлангийн аудиттай холбоотой Монгол Улс дахь ёс зүйн зохих шаардлагуудын дагуу компаниас хараат бус байж, НБЁЗОУСЗ-ийн Ёс Зүйн Дүрэм болон эдгээр ёс зүйн шаардлагуудад нийцүүлэн бусад ёс зүйн үүрэг хариуцлагаа бүрэн биелүүлсэн болно. Бидний олж авсан аудитын нотолгоо нь аудитын дүгнэлт гаргах хангалттай, зохих үндэслэл болно гэдэгт бид итгэж байна.

### Удирдлага болон засаглах эрх мэдэл бүхий этгээдүүдийн санхүүгийн тайланд хүлээх үүрэг хариуцлага

Санхүүгийн тайланг СТОУС-ын дагуу үнэн зөв бэлтгэж, тайлагнах нь компанийн удирдлагын үүрэг хариуцлага юм. Залилан эсвэл алдааны улмаас материаллагаар буруу илэрхийлэгдээгүй санхүүгийн тайланг бэлтгэж, үнэн зөв толилуулахтай холбоотой удирдлагын шаардлагатай гэж тодорхойлсон дотоод хяналтууд нь мөн энэхүү хариуцлагад хамаарна.





Санхүүгийн тайланг бэлтгэхдээ удирдлагын зүгээс компанийн тасралтгүй үйл ажиллагаа эрхлэх чадамжийг үнэлэн, шаардлагатай гэж үзвэл тасралтгүй үйл ажиллагаатай холбоотой асуудлуудыг санхүүгийн тайланд тодруулж, компанийг татан буулгах юм уу үйл ажиллагааг нь зогсоох эсвэл ингэхээс өөр бодит сонголт байхгүй байхаас бусад тохиолдолд нягтлан бодох бүртгэлийн тасралтгүй үйл ажиллагааны зарчимд суурилан санхүүгийн тайлангаа бэлтгэх үүргийг компанийн удирдлага хүлээнэ.

Засаглах эрх мэдэл бүхий этгээдүүд нь компанийн санхүүгийн тайлагналын үйл явцад хяналт тавих үүрэг хүлээнэ.

### **Санхүүгийн тайлангийн аудитад аудиторын хүлээх үүрэг хариуцлага**

Санхүүгийн тайлан нь залилан эсвэл алдааны улмаас үүсэх материаллаг буруу илэрхийллээс бүхэлдээ ангид эсэх талаарх үндэслэлтэй нотолгоог олж авах, бидний дүгнэлтийг агуулж буй аудиторын тайланг танилцуулах нь бидний зорилго юм. Ул үндэслэлтэй нотолгоо гэдэг нь өндөр түвшний баталгаажуулалт хэдий ч АОУС-ын дагуу гүйцэтгэсэн аудит нь бүхий л материаллаг буруу илэрхийллийг байнга илрүүлнэ гэсэн баталгаа биш юм. Буруу илэрхийлэл нь залилан эсвэл алдааны улмаас үүсч болох ба дангаараа эсвэл нэгдсэн дүнгээрээ уг санхүүгийн тайланд үндэслэн гаргах мэдээлэл хэрэглэгчдийн эдийн засгийн шийдвэрт нөлөөлөхөөр хүлээгдэж байвал материаллаг гэж үзнэ.

АОУС-ын дагуу аудит хийх үед мэргэжлийн үнэлэмж болон мэргэжлийн үл итгэх үзлээр хандахыг аудитын ажлын явцад шаарддаг. Бид мөн:

- Санхүүгийн тайланд залилан эсвэл алдааны улмаас үүсэх материаллаг буруу илэрхийллийн эрсдлийг тодорхойлж, түүнийг үнэлэн уг эрсдэлд тохирохуйц аудитын горимыг боловсруулан хэрэгжүүлж, өөрсдийн дүгнэлтийн үндэслэл болохуйц хангалттай, зохистой аудитын нотолгоог олж авдаг. Залилан нь хуйвалдаан, бичиг баримт хуурамчаар үйлдэх, санаатайгаар орхигдуулах, буруу илэрхийлэх болон дотоод хяналтыг орхигдуулах зэрэг явдлуудыг агуулсан байдаг тул залилангаас үүсэх материаллаг буруу илэрхийллийг илрүүлэхгүй байх эрсдэл нь алдааны улмаас үүсэх буруу илэрхийллийг илрүүлэхгүй байх эрсдлээс харьцангуй их байдаг.
- Компанийн дотоод хяналтын үр ашигтай байдалд дүгнэлт өгөх зорилгоор бус харин тухайн нөхцөл байдалд тохирохуйц аудитын горимыг боловсруулахын тулд аудитын ажилтай холбоотой дотоод хяналтын талаар ойлголт олж авдаг.
- Удирдлагын ашигласан нягтлан бодох бүртгэлийн бодлогуудын зохистой байдал, нягтлан бодох бүртгэлийн тооцооллын үндэслэл болон холбогдох тодруулгуудыг үнэлдэг.

- Нягтлан бодох бүртгэлийн тасралтгүй байх суурийг удирдлага зохистой хэрэглэсэн эсэх, мөн бид олж авсан нотолгоондоо тулгуурлан компанийн тасралтгүй үйл ажиллагаагаа эрхлэх чадамжид мэдэгдэхүйц эргэлзээ үүсгэхүйц үйл явдал, нөхцөл байдалтай холбоотой материаллаг тодорхой бус байдал оршин байгаа эсэхийг тодорхойлдог. Материаллаг тодорхой бус байдал оршин байна гэж үзвэл бид аудиторын тайланд санхүүгийн тайлангийн холбогдох тодруулгад анхаарал хандуулах эсвэл энэхүү тодруулга нь хангалтгүй бол дүгнэлтээ хязгаарлах шаардлагатай болдог. Бид дүгнэлтээ аудиторын тайлан гаргах өдөр хүртэлх олж авсан аудитын нотолгоонд үндэслэн гаргадаг. Гэхдээ ирээдүйн үйл явдал, эсвэл нөхцөл байдал нь компанийг тасралтгүй байх зарчмын дагуу үйл ажиллагаагаа үргэлжлүүлэн явуулах боломжгүй болгоход хүргэж болно.
- Санхүүгийн тайлангийн ерөнхий толилуулга, бүтэц болон агуулгыг тодруулгуудын хамт үнэлж, санхүүгийн тайлан нь холбогдох ажил гүйлгээнүүд болон үйл явдлуудыг үнэн зөв илэрхийлсэн эсэхийг тодорхойлдог.

Бид бусад асуудлуудын дундаас аудитын ажлын төлөвлөсөн цар хүрээ, хугацаа болон аудитын явцад илрүүлсэн томоохон асуудлууд, тодорхойлсон дотоод хяналтын аливаа мэдэгдэхүйц доголдлыг засаглах эрх мэдэл бүхий этгээдүүдтэй харилцдаг.



Кэй Пи Эм Жи Аудит ХХК

Монгол Улс, Улаанбаатар хот

2018 оны 02 дугаар сарын 23-ны өдөр

Энэхүү тайлан нь аудитын тайлангийн өдөр буюу 2018 оны 02 дугаар сарын 23-ны өдрөөр хүчин төгөлдөр үйлчилнэ. Аудитын тайлангийн өдөр болон энэхүү тайланг хэрэглэх хугацааны хооронд тохиолдож болох аливаа тайлагналын үеийн дараах үйл явдал, нөхцөл байдал нь уг санхүүгийн тайлан болон тодруулгад материаллаг нөлөө үзүүлж болох юм. Тиймээс аудитын тайланг хэрэглэгчид нь уг тайлагналын үеийн дараах үйл явдал, нөхцөл байдлын нөлөөллийг дээрх аудитын тайланд тусгаагүйг анхаарна уу. Энэхүү тайлан нь зөвхөн компанийн хувьцаа эзэмшигчдэд зориулсан болно. Бид энэхүү тайлангийн агуулгын хүрээнд өөр аливаа нэг гуравдагч талын өмнө үүрэг, хариуцлага хүлээхгүй болно.

## САНХҮҮГИЙН ҮЗҮҮЛЭЛТҮҮД

### Санхүүгийн Байдлын Тайлан

/мянган төгрөгөөр/

	2017	2016
<b>ХӨРӨНГӨ</b>		
<b>Эргэлтийн бус хөрөнгө</b>		
Үндсэн хөрөнгө	2,264,092	2,371,350
Биет бус хөрөнгө	1,271,899	1,763,683
<b>Эргэлтийн бус хөрөнгийн дүн</b>	<b>3,535,992</b>	<b>4,135,033</b>
<b>Эргэлтийн хөрөнгө</b>		
Бараа материал	16,331	13,000
Дуусгавар хугацаа хүртэл эзэмших санхүүгийн хэрэгсэл	1,000	1,000
Урьдчилгаа	14,480	2,370
Дансны авлага	82,852	148,493
Орлогын албан татварын авлага	-	8,988
Мөнгө, түүнтэй адилтгах хөрөнгө	1,306,884	515,142
Бусад эргэлтийн хөрөнгө	13,160	13,160
<b>Эргэлтийн хөрөнгийн дүн</b>	<b>1,434,707</b>	<b>702,153</b>
<b>НИЙТ ХӨРӨНГИЙН ДҮН</b>	<b>4,970,699</b>	<b>4,837,186</b>
<b>ӨР ТӨЛБӨР БОЛОН ЭЗДИЙН ӨМЧ</b>		
<b>Эздийн өмч</b>		
Хувьцаат капитал	21,884,000	21,884,000
Бусад нөөц	1,705,278	458,684
Хүримтлагдсан алдагдал	(18,992,094)	-18,758,933
<b>Эздийн өмчийн дүн</b>	<b>4,597,184</b>	<b>3,583,751</b>
<b>Богино хугацаат өр төлбөр</b>		
Дансны өглөг	324,999	1,177,047
Орлогын албан татварын өглөг	5,136	10,122
Бусад өглөг	41,324	66,266
Урьдчилж орсон орлого	2,055	-
<b>Богино хугацаат өр төлбөрийн дүн</b>	<b>373,515</b>	<b>1,253,435</b>
<b>ӨР ТӨЛБӨР БОЛОН ЭЗДИЙН ӨМЧИЙН ДҮН</b>	<b>4,970,699</b>	<b>4,837,186</b>

## Ашиг, Алдагдал болон Бусад Дэлгэрэнгүй Орлогын Тайлан

/мянган төгрөгөөр/

	2017	2016
Борлуулалтын орлого	1,836,408	1,176,149
<b>Нийт орлого</b>	<b>1,836,408</b>	<b>1,176,149</b>
Ерөнхий ба удирдлагын зардал	(1,237,826)	(1,918,224)
Миллениум Ай Ти системтэй холбоотой лиценз, сервис болон хорогдуулалтын зардал	(908,749)	(1,189,475)
<b>Үйл ажиллагааны алдагдал</b>	<b>(310,167)</b>	<b>(1,931,550)</b>
Санхүүгийн орлого	49,199	13,840
Гадаад валютын ханшийн цэвэр олз/ (гарз)	15,711	(137,540)
Үйл ажиллагааны бус бусад орлого	16,956	
<b>Татварын өмнөх алдагдал</b>	<b>(228,241)</b>	<b>(2,055,250)</b>
Орлогын албан татварын зардал	(4,920)	(1,384)
<b>Тайлант үеийн алдагдал</b>	<b>(233,161)</b>	<b>(2,056,634)</b>
<b>Тайлант үеийн нийт дэлгэрэнгүй алдагдал</b>	<b>(233,161)</b>	<b>(2,056,634)</b>

## ӨМЧИЙН ӨӨРЧЛӨЛТИЙН ТАЙЛАН

/мянган төгрөгөөр/

	Хувьцаат капитал	Бусад нөөц	Хуримтлагдсан алдагдал	Нийт эздийн өмч
<b>2015 оны 12-р сарын 31-ний үлдэгдэл</b>	<b>1,867,709</b>	<b>20,475,388</b>	<b>(16,703,495)</b>	<b>5,639,602</b>
Тайлант жилийн цэвэр алдагдал	-	-	(2,056,634)	(2,056,634)
<b>Өмчид шууд бүртгэсэн эзэмшигчидтэй хийсэн ажил гүйлгээ</b>				
Хувьцаат капитал руу хийсэн хөрвүүлэлт	20,016,291	(20,016,291)	-	-
Бусад хөдөлгөөн	-	(413)	1,196	783
<b>2016 оны 12-р сарын 31-ний үлдэгдэл</b>	<b>21,884,000</b>	<b>458,684</b>	<b>(18,758,933)</b>	<b>3,583,751</b>
Тайлант жилийн цэвэр алдагдал	-	-	(233,161)	(233,161)
<b>Өмчид шууд бүртгэсэн эзэмшигчидтэй хийсэн ажил гүйлгээ</b>				
Хувьцаа эзэмшигчийн оруулсан санхүүжилт	-	1,246,594	-	1,246,594
<b>2017 оны 12-р сарын 31-ний үлдэгдэл</b>	<b>21,884,000</b>	<b>1,705,278</b>	<b>(18,992,094)</b>	<b>4,597,184</b>



## МӨНГӨН ГҮЙЛГЭЭНИЙ ТАЙЛАН

/мянган төгрөгөөр/

	2017	2016
<b>Үндсэн үйл ажиллагааны мөнгөн гүйлгээ</b>		
Тайлант үеийн алдагдал	(233,161)	(2,056,634)
Тохируулга:		
Элэгдэл ба хорогдол	620,930	665,281
Бусад эргэлтийн бус хөрөнгийн данснаас хасалт	-	61,864
Найдваргүй авлагын дансны нөөц	27,375	224,116
Бараа материалын хорогдлын нөөц	-	29,828
Орлогын албан татварын зардал	4,920	1,384
Ханшийн зөрүүний хэрэгжээгүй цэвэр (олз)/гарз	(30,287)	137,540
Хүүгийн орлого	(49,199)	(13,840)
<b>Ажлын капиталын өөрчлөлтөөс өмнөх үйл ажиллагааны ашиг, (алдагдал)</b>	<b>340,578</b>	<b>(950,461)</b>
Хөрөнгө, өр төлбөрийн өөрчлөлт:		
Дансны авлага	38,266	18,372
Урьдчилгаа	(12,110)	-
Бараа материал	(3,331)	1,671
Дансны болон бусад өглөг	(847,376)	673,314
Урьдчилж орсон орлого	2,055	-
Хүлээн авсан хүүгийн орлого	49,199	13,840
Төлсөн орлогын албан татвар	(918)	-
<b>Үндсэн үйл ажиллагааны цэвэр мөнгөн гүйлгээ</b>	<b>(433,637)</b>	<b>(243,264)</b>
<b>Хөрөнгө оруулалтын үйл ажиллагааны мөнгөн гүйлгээ</b>		
Худалдан авсан үндсэн хөрөнгө	(21,889)	(27,299)
Засгийн газрын үнэт цаасанд оруулсан хөрөнгө оруулалт	(194,396)	
Засгийн газрын үнэт цаасны буцаан төлөлт	194,396	196,257
<b>Хөрөнгө оруулалтын үйл ажиллагааны цэвэр мөнгөн гүйлгээ</b>	<b>(21,889)</b>	<b>168,958</b>
<b>Санхүүгийн үйл ажиллагааны мөнгөн гүйлгээ</b>		
Хувьцаа эзэмшигчээс оруулсан санхүүжилт	1,246,594	-
<b>Санхүүгийн үйл ажиллагааны цэвэр мөнгөн гүйлгээ</b>	<b>1,246,594</b>	<b>-</b>
Ханшийн өөрчлөлтийн нөлөөлөл	647	1,585
<b>Мөнгө, түүнтэй адилтгах хөрөнгийн цэвэр өсөлт/(бууралт)</b>	<b>791,742</b>	<b>(72,721)</b>
Мөнгө, түүнтэй адилтгах хөрөнгийн эхний үлдэгдэл	515,142	587,863
<b>Мөнгө, түүнтэй адилтгах хөрөнгийн эцсийн үлдэгдэл</b>	<b>1,306,884</b>	<b>515,142</b>